

## भोलानाथ अमली | By Reshmi Sharma

काई बोऊँ काशी जी में काई जी प्रयाग  
काई बोऊँ हर की पौड़ी काई जी कैलाश  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

काशी जी में केसर बोऊँ चन्दन प्रयाग  
हर की पौड़ी बिजिया बोऊँ धतूरो कैलाश  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

काई मांगे नांदियो जी काई जी गणेश  
काई मांगे भोला शम्भू जोगिया रो भेष  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

दूर्वा मांगे नांदियो जी मोदक गणेश  
बिजिया मांगे भोलो शम्भू जोगिया रो भेष  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

घोटें घोटें नांदियो जी छानत गणेश  
भर भर प्याला देवे गौरजा पीवे जी महेश  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

आंकड़े की रोटी पोउ धतूरा को साग  
बिजिया की तरकारी छिम्कू जीमो भोलानाथ  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

भूखो मांगे अन्न धन राजा मांगे रूप  
कोड़ी मांगे निर्मल काया बाँझ मांगे पूत  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

भूखो देवे अन्न धन राजा देवे रूप  
कोड़ी देवे निर्मल काया बाँझ देवे पूत  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

नाचे नाचे नांदियो जी नाचत गणेश  
नाचे म्हारा भोला शम्भू जोगिया रो भेष  
भोलानाथ अमली म्हारा शंकर अमली , जटाधारी अमली  
बम बागां में भंगिया बुवाये राखुली

बाबा बाबा सब केहवे मैया केहवे ना कोय  
बाबा के दरबार में मैया कहवे सो होय  
भोलानाथ अमली म्हारा शंकर अमली , जटाधारी अमली

बम बागां में भंगिया बुवाये राखुली

<https://bhaktivandana.com/lyrics/%e0%a4%ad%e0%a5%8b%e0%a4%b2%e0%a4%be%e0%a4%a8%e0%a4%be%e0%a4%a5-%e0%a4%85%e0%a4%ae%e0%a4%b2%e0%a5%80-by-reshmi-sharma/>